


宋板西京雜記



審定	原題	舊藏	六卷	西京雜記	部	字
明嘉靖	宋	昭仁殿	二册		類	號
野竹齋	版		函			

潘 83







西京雜記第一

丹陽葛洪稚川集

漢高帝七年蕭相國營未央宮因龍首山製前殿建北闕未央宮周迴二十二里九十五步五尺街道周迴四十里臺殿四十三其三十二在外其十一在後

戲養魚魚給諸陵廟祭祀餘汁長安市賣之池周迴四十里  
漢制宗廟八月飲酎用九醞太牢皇帝侍祠以正月旦作酒八月成名曰酎一曰九醞一名醇酎





西京雜記第一

丹陽葛洪稚川集

漢高帝七年蕭相國營未央宮因龍首山製前殿建北闕未央宮周迴二十二里九十五步五尺街道周迴六十里臺殿四十三其三十二在外其十一在後宮池十三山六池一山一亦在後宮門闈凡九十五武帝作昆明池征伐昆吾其教習水戰因而於上游戲養魚魚給諸陵廟祭祀餘汁長安市賣之池周迴四十里

漢制宗廟八月飲酎用九醞太牢皇帝侍祠以正月旦作酒八月成名曰酎一曰九醞一名醇酎

京師大水祭山川以止雨丞相御史二千石禱祠如  
求雨瀆

天子筆管以錯寶爲跗毛皆以秋兔之毫宮師路扈  
爲之以雜寶爲匣廁以玉璧翠羽皆直百金

漢制天子玉几冬則加綈錦其上謂之綈几以烏牙  
爲火籠籠上皆散華文後宮則五色綾文以酒爲書  
滴取其不冰以玉爲硯亦取其不冰夏設羽扇冬設  
繒扇公侯皆以竹木爲几冬則以細剝爲橐以憑之  
不得加綈錦

武帝嘗西域獻吉炎裘入水不濡上嘗服此裘以聽  
朝

高帝戚夫人善鼓瑟擊筑帝常擁夫人倚瑟而絃歌  
畢每泣下流漣夫人善爲翹袖折腰之舞歌出塞入  
塞望歸之曲侍婦數百皆習之後宮齊首高唱聲入  
雲霄

戚姬以百鍊金爲驅環照見指骨上惡之以賜侍兒  
鳴玉耀光等各四枚

趙王如意年幼未能親外傳戚姬使舊趙王內傳趙  
媼傅之號其室曰養德宮後改爲魚藻宮

惠帝嘗與趙王同寢處呂后欲殺之而未得後帝早  
獵王不能夙興呂后命力士於被中縊殺之及死呂  
后不之信以綠囊盛之載以小輶車入見乃厚賜力

士力士是東郭門外官奴帝後知腰斬之后不知也  
樂遊苑自生玫瑰樹樹下多苜蓿苜蓿一名懷風岢  
人或謂之炎風風在其間常蕭蕭然日照其花有炎  
采故名苜蓿爲懷風茂陵人謂之連枝草

太液池邊皆是彫胡紫葳節之類菰之有米者長  
安人謂爲彫胡葳蘆之未解葉者謂之紫葳菰之有  
首者謂之綠節其間鳧鷖鴈子布滿充積又多紫龜  
綠鼈池邊多平沙沙上鶉鴝鷓鴣鴻鴟動輒成  
羣

終南山多離合草葉似江蘼而紅綠相雜莖皆紫色  
氣如蘿勒有樹直上百丈無枝上結藂條如車蓋葉  
一青一赤望之班駁如錦繡長安謂之丹青樹亦云  
華蓋樹亦生熊耳山

漢帝相傳以秦王子嬰所奉白玉璽高祖斬白蛇劍  
劍上有七采珠九華玉以爲飾雜廁五色琉璃爲劍  
匣劍在室中光景猶照於外與挺劍不殊十二季一  
加磨瑩刃上常若霜雪開匣拔鞘輒有風氣光彩射  
人

漢綵女常以七月七日穿七孔鍼於開襟樓俱以習  
之

宣帝被收繫郡邸獄臂上猶帶史良娣合采婉轉絲  
繩繫身毒國寶鏡一枚大如八銖錢舊傳此鏡見妖

魁得佩之者為天神所福故宣帝從危獲濟及卽大位每持此鏡感咽移辰常以琥珀筭盛之絨以戚里織成錦一曰斜文錦帝崩不知所在

霍光妻遺淳于衍蒲桃錦二十四匹散花綾二十五匹綾出鉅鹿陳寶光家寶光妻傳其灋霍顯召入其第使作之機用一百二十鑷六十日成一匹匹直萬錢又與走珠一琲綠綾百端錢百萬黃金百兩為起第宅奴婢不可勝數衍猶怨曰吾為爾成何功而報我若是哉

濟陰王興居反始舉兵大風從東來直吹其旌旗飛上天入雲而墮城西井中馬皆悲鳴不進左右李廓等諫不聽後立自殺

五鹿充宗受學於弘成子成子少嘗有人過已授以文石大如鸞卵成子吞之遂大明悟為天下通儒成子後病吐出此石以授充宗充宗又為碩學也

始元元季黃鵠下太液池上為歌曰黃鵠飛兮下建章羽肅肅兮行踟躕金為衣兮菊為裳唼喋荷苳出入蒹葭自顧菲薄愧爾嘉祥

漢帝送死皆珠襦玉匣匣形如鎧甲連以金縷武帝匣上皆鏤為蛟龍鸞鳳龜麟之鳥世謂為蛟龍玉匣成帝設雲帳雲幄雲幕於甘泉紫殿世謂三雲殿漢掖庭有月影臺雲光殿九華殿鳴鸞殿開襟閣臨池

觀不在簿籍皆繁華窈窕之所棲宿焉

趙飛鸞女弟居昭陽殿中庭彤朱而殿上丹漆砌皆銅沓黃金塗白玉階壁帶往往爲黃金釭含藍田壁明珠翠羽飾之上設九金龍皆銜九子金鈴五色流蘇帶以綠文紫綬金銀花鐏每好風日幡旒光影照耀一殿鈴鐸之聲驚動左右中設木畫屏風文如蜘蛛絲縷玉几玉牀白烏牙簾綠熊席席毛長二尺餘人眠而擁毛自蔽望之不能見坐則沒膝其中雜熏諸香一坐此席餘香百日不歇有四玉鎮皆達照無瑕缺窻扉多是綠琉璃可皆達照毛髮不得藏焉椽桷皆刻作龍蛇縈繞其間鱗甲分明見者莫不兢慄匠人丁緩李菊巧爲天下第一締構旣成向其姊子樊延季說之而外人稀知莫能傳者

積草池中有珊瑚樹高一丈二尺一本三柯上有四百六十二條是南越王趙他所獻號爲烽火樹至夜光景常欲燃

昆明池刻玉石爲魚每至雷雨魚常鳴吼鬣尾皆動漢世祭之以祈雨往往有驗

初修上林苑羣臣遠方各獻名果異樹亦有製爲美

名以標奇麗○梨十紫梨青梨實大芳梨實小大谷梨細

葉梨縹葉梨金葉梨出琅琊王野家瀚海梨出瀚海

不枯東王梨出海紫條梨○東七弱枝棗玉門棗棠棗

青華棗枏棗赤心棗西王棗出崑崙山○栗四侯栗榛栗

瑰栗嶧陽栗嶧陽都尉曹龍所獻大如拳○桃十秦桃榭桃細核

桃金城桃綺葉桃紫文桃霜桃霜下可食胡桃出西域櫻桃

含桃○李十五紫李綠李朱李黃李青綺李青房李

同心李車下李含枝李金枝李顏淵李出魯羌李燕李

蠻李侯李○柰三白柰紫柰花紫色綠柰花綠色○查三

蠻查羌查猴查○裨三青裨赤葉裨烏裨○棠四赤

棠白棠青棠沙棠○梅七朱梅紫葉梅紫萼梅同心

梅麗枝梅燕梅猴梅○杏二文杏材有文采蓬萊杏東郭

于吉所獻一株花雜五色六出云是仙人所食○桐三椅桐梧桐荆桐○林

檉十株○枇杷十株○橙十株○安石榴○棹十株

白銀樹十株○黃銀樹十株○槐六百四十○千季

長生樹十株○萬季長主樹十株○扶老木十株○

守宮槐十株○金明樹二十株○搖風樹十株○鳴

風樹十株○琉璃樹七株○池離樹十株○離婁樹

十株○白俞榴杜榴桂蜀漆樹十株○栴四株○樅

七株○栝十株○楔四株○楓四株

余就上林令虞淵得朝臣所上草木名二千餘種隣

人石瓊就余求借一皆遺棄今以所記憶列於篇右

長安巧工丁緩者為常滿燈七龍五鳳雜以芙蓉蓮

藕之奇又作卧褥香鑪一名被中香鑪本出房風其

灑後絕至緩始更為之為機環轉運四周而鑪體常

平可置之被褥故以為名又作九層博山香鑪鑲為奇禽怪獸窟諸靈異皆自然運動

又作七輪扇連七輪大皆徑丈相連續一人運之滿堂寒顫

趙飛鸞為皇后其女弟在昭陽殿遺飛鸞書曰今日嘉辰賢姊懋膺洪冊謹上縠三十五條以陳踊躍之心

金萼紫輪帽 金萼紫羅面衣 織成上襦 織成

下裳 五色文綬 鴛鴦襦 鴛鴦被 鴛鴦褥

金鎔繡襜 七寶綦履 五色文玉環 同心七寶

釵 黃金步搖 合懽圓璫 琥珀枕 龜文枕

珊瑚玦 馬腦彊 雲母扇 孔雀扇 翠羽扇

九華扇 五明扇 雲母屏風 琉璃屏風 五層

金博山香鑪 迴風扇 椰葉席 同心梅 合枝

李 青木香 沈水香 香螺卮 出南海一名丹螺 九真

雄麝香 七枝燈

趙后體輕腰弱善行步進退女弟昭儀不能及也但昭儀弱骨豐肌尤工笑語二人並色如紅玉為當時第一皆擅寵後宮

西京雜記第二

元帝後宮既多不得常見乃使畫工圖形案圖召幸之諸宮人皆賂畫工多者十萬少者亦不減五萬獨王嬙不肯遂不得見匈奴入朝求美入爲闕氏於是上案圖以昭君行及去召見貌爲後宮第一善應對舉止閑雅帝悔之而名籍已定帝重信於外國故不復更人乃窮案其事畫工皆棄市籍其家資皆巨萬畫工有杜陵毛延壽爲人形醜好老少必得其真安陵陳敞新豐劉白龔寬並工爲牛馬飛鳥衆勢人形好醜不逮延壽下杜陽望亦善畫尤善布色樊育亦善布色同日棄市京師畫工於是差稀

武帝欲殺乳母乳母告急於東方朔朔曰帝忍而復  
旁人言之益死之速耳汝臨去但屢顧我我當設奇  
以激之乳母如言朔在帝側曰汝宜速去帝今已大  
豈念汝乳哺時恩邪帝愴然遂舍之

五侯不相能賓客不得來往婁護豐辯傳食五侯間  
各得其懽心競致奇膳護乃合以爲鯖世稱五侯鯖  
以爲奇味焉

公孫弘起家徒步爲丞相故人高賀從之弘食以脫  
粟飯覆以布被賀怨曰何用故人富貴爲脫粟布被  
我自有之弘大慙賀告人曰公孫弘內服貂蟬外衣  
麻臬內廚五鼎外膳一肴豈可以示天下於是朝廷  
疑其矯焉弘嘆曰寧逢惡賓不逢故人

文帝自代還有良馬九匹皆天下之駿馬也一名浮  
雲一名赤電一名絕羣一名逸驃一名紫鸞驪一名  
綠螭驄一名龍子一名麟駒一名絕塵號爲九逸有  
來宣能御代王號爲王良俱還代邸

武帝時身毒國獻連環羈皆以白玉作之馬璫石爲  
勒白光琉璃爲鞍鞍在闇室中常照十餘丈如晝日  
自是長安始盛飾鞍馬競加雕鏤或一馬之飾直百  
金皆以南海白蜃爲珂紫金爲華以飾其上猶以不  
鳴爲患或加以鈴鑷飾以流蘇走則如撞鐘磬若飛  
幡葆後得貳師天馬帝以玳瑁石爲鞍鏤以金銀鍮

石以綠地五色錦爲蔽泥後稍以熊羆皮爲之熊羆毛有綠炎皆長二尺者直百金卓王孫有百餘雙詔使獻二十枚

昭帝嘗茂陵家人獻寶劍上銘曰直千金壽萬歲司馬相如初與卓文君還成都居貧愁懣以所著鷄裘就市人陽昌貫酒與文君爲懽旣而文君抱頸而泣曰我平生富足今乃以衣裘貫酒遂相與謀於成都賣酒相如親著犢鼻褌滌器以恥王孫王孫果以爲病乃厚給文君文君遂爲富人文君姣好眉色如望遠山臉際常若芙蓉肌膚柔滑如脂十七而寡爲人放誕風流故悅長卿之才而越禮焉長卿素有消渴疾及還成都悅文君之色遂以發痼疾乃作美人賦欲以自刺而終不能改卒以此疾至死文君爲誄傳於世

慶安世年十五爲成帝侍郎善鼓琴能爲雙鳳離鸞之曲趙后悅之白上得出入御內絕見愛幸嘗著輕絲履招風扇紫綈裘與后同居處欲有子而終無胤嗣趙后自以無子常託以祈禱別開一室自左右侍婢以外莫得至者上亦不得至焉以輶車載輕薄少季爲女子服入後宮者日以十數與之淫通無時休息有疲怠者輒差代之而卒無子

太上皇徙長安居深宮悽愴不樂高祖竊因左右問

其故以平生所好皆屠販少季酤酒賣餅鬪雞蹴鞠  
以此爲權今皆無此故以不樂高祖乃作新豐移諸  
故人實之太上皇乃悅故新豐多無賴無衣冠子弟  
故也高祖少嘗常祭枌榆之社及移新豐亦還立焉  
高帝旣作新豐并移舊社衢巷棟宇物色惟舊士女  
老幼相攜路首各知其室放犬羊雞鴨於通塗亦競  
識其家其匠人胡寬所營也移者皆悅其似而德之  
故競加賞贈月餘致累百金

漢諸陵寢皆以竹爲簾簾皆爲水紋及龍鳳之像昭  
陽殿織珠爲簾風至則鳴如珩珮之聲

楊雄讀書有人語之曰無爲自苦玄故難傳忽然不  
見雄著太玄經夢吐鳳凰集玄之上頃而滅

司馬相如爲上林子虛賦意思蕭散不復與外事相  
關控引天地錯綜古今忽然如睡煥然而興幾百日  
而後成其友人盛覽字長通牂牁名士嘗問以作賦  
相如曰合綦組以成文列錦繡而爲質一經一緯一  
宮一商此賦之迹也賦家之心苞括宇宙總覽人物  
斯乃得之於內不可得而傳覽乃作合組歌列錦賦  
而退終身不復敢言作賦之心矣

董仲舒夢蛟龍入懷乃作春秋繁露詞

或問楊雄爲賦雄曰讀千首賦乃能爲之

匡衡字稚圭勤學而無燭隣舍有燭而不逮衡乃穿

僻引其光以書暎光而讀之邑人大姓文不識家富  
多書衡乃與其傭作而不求償主人怪問衡衡曰願  
得主人書遍讀之主人感嘆資給以書遂成大學衡  
能說詩昔人爲之語曰無說詩匡鼎來匡說詩解人  
頤鼎衡小名也昔人畏服之如是聞者皆解頤權笑  
衡邑人有言詩者衡從之與語質疑邑人挫服倒屣  
而去衡追之曰先生畱聽更理前論邑人曰窮矣遂  
去不返

長安有儒生曰惠莊聞朱雲折五鹿充宗之角乃歎  
息曰粟犢反能爾邪吾終恥溺死溝中遂裹糧從雲  
雲與言莊不能對遂巡而去拊心謂人曰吾口不能  
劇談此中多有

武帝過李夫人就取玉簪搔頭自此後宮人搔頭皆  
用玉玉價倍賈焉

杜陵杜夫子善弈碁爲天下第一人或譏其費日夫  
子曰精其理者足以大裨聖教

成帝好蹴鞠羣臣以蹴鞠爲勞體非至尊所宜帝曰  
朕好之可擇似而不勞者奏之家君作彈碁以獻帝  
大悅賜青羔裘紫絲履服以朝覲

元封二年大寒雪深五尺野鳥獸皆死牛馬皆蹉躓  
如蝟三輔人民凍死者十有二三

武帝爲七寶牀雜寶按廁寶屏風列寶帳設於桂宮

西京二  
五  
昔人謂之四寶宮

瓠子河決有蛟龍從九子自決中逆上入河噴沫流波數十里

文帝初多雨積霖至百日而止

王鳳以五月五日生其父欲不舉曰俗諺舉五日子長及戶則自害不則害其父母其叔父曰管田文以此日生其父嬰勅其母曰勿舉其母竊舉之後爲孟嘗君號其母爲薛公大家以古事推之非不祥也遂舉之

惠帝七年夏雷震南山大木數千株皆火燃至末其下數十畝地草皆焦黃其後百許日家人就其間得龍骨一具鮫骨二具

高祖爲泗水亭長送徒驪山將與故人訣去徒卒贈高祖酒二壺鹿肚牛肝各一高祖與樂從者飲酒食肉而去後卽帝位朝晡尚食常具此二炙并酒二壺梁孝王好營宮室苑囿之樂作曜華之宮築兔園園中有百靈山山有膚寸石落猿巖棲龍岫又有鴈池池間有鶴洲鳧渚其諸宮觀相連延亘數十里奇果異樹瑰禽怪獸畢備王日與宮人賓客弋釣其中魯恭王好鬪雞鴨及鵝鴈養孔雀鷓鴣俸穀一季費二千石

會稽歲嘗獻竹箬供御世號爲流黃箬

西京雜記  
朱買臣爲會稽太守懷章綬還至舍亭而國人未知也所知錢勃見其暴露乃勞之曰得無罷乎遣與紈扇買臣至郡引爲上客尋遷爲掾史

西京雜記第二

西京雜記第三

余所知有鞠道龍善爲幻術向余說古昔事有東海人黃公少嘗爲術能制蛇御虎佩赤金刀以絳繒束髮立興雲霧坐成山河及衰老氣力羸憊飲酒過度不能復行其術秦末有白虎見於東海黃公乃以赤刀往厭之術旣不行遂爲虎所殺三輔人俗用以爲戲漢帝亦取以爲角抵之戲焉 又說淮南王好方士方士皆以術見遂有畫地成江河撮土爲山巖嘘吸爲寒暑噴嗽爲雨霧王亦卒與諸方士俱去 楊子雲好事常懷鉛提槩從諸計吏訪殊方絕域四方之語以爲裨補輜軒所載亦洪意也

文帝嘗鄧通得賜蜀銅山聽得鑄錢文字肉好皆與天子錢同故富侔人主嘗吳王亦有銅山鑄錢故有吳錢微重文字肉好與漢錢不異

楊賢字王孫京兆人也生嘗厚自奉養死卒裸葬於終南山其子孫掘土鑿石深七尺而下屍上復蓋之以石欲儉而反奢也

傅介子季十四好學書嘗棄觚而歎曰大丈夫當立功絕域何能坐事散儒後卒斬匈奴使者還拜中郎復斬樓蘭王首封義陽侯

余少嘗聞平陵曹敞在吳章門下往往好斥人過以爲輕薄世人皆以爲然章後爲王莽所殺人無有敢收葬者弟子皆更易姓名以從他師敞嘗爲司徒掾獨稱吳章弟子收葬其屍方知亮直者不見容於冗輩中矣平陵人生爲立碑於吳章墓側在龍首山南幕嶺上

文帝爲太子立思賢苑以招賓客苑中有堂隍六所客館皆廣廡高軒屏風幃褥甚麗

廣陵王胥有勇力常於別園學格熊後遂能空手搏之莫不絕脰後爲獸所傷陷腦而死

郭威字文偉茂陵人也好讀書以謂爾雅周公所制而爾雅有張仲孝友張仲宣王嘗人非周公之制明矣余嘗以問楊子雲子雲曰孔子門徒游夏之儔所

記以解釋六藝者也家君以爲外戚傳稱史佚教其子以爾雅爾雅小學也又記言孔子教魯哀公學爾雅爾雅之出遠矣舊傳學者皆云周公所記也張仲孝友之類後人所足耳

茂陵富人袁廣漢藏鏹巨萬家僮八九百人於北邙山下築園東西四里南北五里激流水注其內構石爲山高十餘丈連延數里養白鸚鵡紫鴛鴦牝牛青兕奇獸怪禽委積其間積沙爲洲嶼激水爲浪潮其中致江鷗海鶴孕雛產鷇延漫林池奇樹異草靡不具植屋皆徘徊連屬重閣修廊行之移晷不能徧也廣漢後有罪誅沒入爲官園鳥獸草木皆移植上林苑中

五柞宮有五柞樹皆連三抱上枝蔭覆數十畝其宮西有青梧觀觀前三梧桐樹樹下有石騏驎二枚刊其脇爲文字是秦始皇酈山墓上物也頭高一丈三尺東邊者前左脚折折處有赤如血父老謂其有神皆含血屬筋焉

高祖初入咸陽宮周行庫府金玉珍寶不可稱言其尤驚異者有青玉五枝燈高七尺五寸作蟠螭以口銜燈燈燃鱗甲皆動煥炳若列星而盈室焉復鑄銅人十二枚坐皆高三尺列在一筵上琴筑笙芋各有所執皆綴花采儼若生人筵下有二銅管上口高數

尺出筵後其一管空一管內有繩大如指使一人吹  
空管一人紐繩則衆樂皆作與真樂不異焉有琴長  
六尺安十三絃二十六徽皆用七寶飾之銘曰璠璣  
之樂玉管長二尺三寸二十六孔吹之則見車馬山  
林隱鱗相次吹息亦不復見銘曰昭華之瑄有方鏡  
廣四尺高五尺九寸表裏有明人直來照之影則倒  
見以手捫心而來則見腸胃五臟歷然無破人有疾  
病在內則掩心而照之則知病之所在又女子有邪  
心則膽張心動秦始皇常以照宮人膽張心動者則  
殺之高祖悉封閉以待項羽羽將以東後不知所  
在

尉他獻高祖鮫魚荔枝高祖報以蒲桃錦四匹

戚夫人侍兒賈佩蘭後出爲扶風人段儒妻說在宮  
內嘗見戚夫人侍高帝嘗以趙王如意爲言而高祖  
思之幾半日不言歎息悽愴而未知其術輒使夫人  
擊筑高祖歌大風詩以和之又說在宮內嘗嘗以絃  
管歌舞相歡娛競爲妖服以趣良嘗十月十五日共  
入靈女廟以豚黍樂神吹笛擊筑歌上靈之曲旣而  
相與連臂踏地爲節歌赤鳳凰來至七月七日臨百  
子池作于闐樂樂畢以五色縷相羈謂爲相連愛八  
月四日出雕房北戶竹下圍碁勝者終季有福負者  
終季疾病取絲縷就北辰星求長命乃免九月九日

佩茱萸食蓬餌飲菊萼酒令人長壽菊萼舒昔并採  
莖葉雜黍米釀之至來季九月九日始熟就飲焉故  
謂之菊萼酒正月上辰出池邊盥濯食蓬餌以祓妖  
邪三月上巳張樂於流水如此終歲焉戚夫人死侍  
兒皆復爲民妻也

何武葬北邙山薄龍坂王嘉冢東北一里

杜子夏葬長安北四里臨終作文曰魏郡杜鄴立志  
忠歎犬馬未陳奄先草露骨肉歸於后土氣魂無所  
不之何必故丘然後卽化封於長安北郭此焉宴息  
及死命刊石埋於墓側墓前種松柏樹五株至今茂  
盛

淮南王安著鴻烈二十一篇鴻大也烈明也言大明  
禮教號爲淮南子一曰劉安子自云字中皆挾風霜  
楊子雲以爲一出入

公孫弘著公孫子言刑名事亦謂字直百金

司馬長卿賦昔人皆稱典而麗雖詩人之作不能加  
也楊子雲曰長卿賦不似從人間來其神化所至邪  
子雲學相如爲賦而弗逮故雅服焉

長安有慶虬之亦善爲賦嘗爲清思賦昔人不之賢  
也乃託以相如所作遂大見重於世

相如將獻賦未知所爲夢一黃衣翁謂之曰可爲大  
人賦遂作大人賦言神僊之事以獻之賜錦四匹

相如將聘茂陵人女爲妾卓文君作白頭吟以自絕相如乃止



樊將軍噲問陸賈曰自古人君皆云受命於天云有瑞應豈有是乎賈應之曰有之夫目睜得酒食燈火華得錢財乾鶴噪而行人至蜘蛛集而百事喜小既有徵大亦宜然故目睜則呪之火華則拜之乾鶴噪則餒之蜘蛛集則放之況天下大寶人君重位非天命何以得之哉瑞者寶也信也天以寶爲信應人之德故曰瑞應無天命無寶信不可以力取也

霍將軍妻一產二子疑所爲兄弟或曰前生爲兄後生者爲弟今雖俱日亦宜以先生爲兄或曰居上者宜爲兄居下宜爲弟居下者前生今宜以前生爲弟昔霍光聞之曰管殷王祖甲一產二子曰嚚曰良以卯日生嚚以巳日生良則以嚚爲兄以良爲弟若以在上者爲兄嚚亦當爲弟管許釐莊公一產二女曰妖曰茂楚大夫唐勒一產二子一男一女男曰貞夫女曰瓊華皆以先生爲長近代鄭昌岢文長蓓並生二男滕公一生二女李黎生一男一女並以前生者爲長霍氏亦以前生爲兄焉

故臯文章敏疾長卿制作淹遲皆盡一岢之譽而長卿首尾溫麗故臯岢有累句故知疾行無善迹矣楊子雲曰軍旅之際戎馬之間飛書馳檄用枚臯廊廟


之下朝廷之中高文典冊用相如

西京雜記第三



之下朝廷之中高文典冊用楷如

西京雜記第三





0000

